

### Auflegung Gemeiner

haben/die es bedürffen. Der leib vnd alle seine glieder erzeugen ehre dem vnehrlichsten glied/das decken sie/vnd heilen es zu.

335

**Mit böß muß man böses vertreiben.**

Das wort ist auß der natürlichen erfahrung herkommen/dann es ist ein gegründter schluß der Erzte vnd naturkundigen/Contraria contrariis curantur. Hitze vertreibt man mit kelte/kelte mit hitze. Dem winter begegnet man mit warmen stuben vñ belzen. Die hitze des somers temperiert man mit schatten der beume vnd kaltem getrancke. Es ist zu Nürnberg ein Tucher gewesen des geschlechts/der hat das Podagra gehabt/ Nu haben die Nürnberger da zumal ein feind gehabt / Der Tucher hat aussen vor der Stadt auff seinem Vogelsherd des Weidwercks gewartet/vnd ist also dem feind verkundschaft worden. Da er aber den feind vmb die Vogelhütten also hin vnd her reiten sihet/erschrickt er also fast/das er seines zipperleins vergiffet. Er wirt weggeführt/vnd geschetzt vmb neunhundert gülden / das Podagra aber ist im hernach sein lebenslang nie widerkommen/also das er oft sol gesagt haben / er wolt mit das er die neunhundert gülden darfür solt im beutel haben/vñ das Podagra behalte.

33